



[Bable] Participamos na manifestación de paraxs y precarixs de Siero-Noreña

DARRÉU :: 17/03/2014

La organización de Mocedá d'Izquierda Soberanista Darréu participó na tardi d'ayeri na manifestación convocada pola Asamblea de Paraxs y Precarixs de Siero y Noreña

La organización de Mocedá d'Izquierda Soberanista Darréu participó na tardi d'ayeri na manifestación convocada pola Asamblea de Paraxs y Precarixs de los conceyos de Siero y Noreña, sofitando la convocatoria y pidiendo trabayu digne y drechos pa la mocedá asturiano. La marcha cuntó cola presencia de cientos de persones y percorrió les principales cais de La Pola de Siero, parando nes sedes de los sindicatos CCOO y UGT y los partíos PSOE, PP, FORO ya IU. Tamién paró na sede del Serviciu Públicu d'Emplegu. Con estes paraes énte les sedes d'estos coleutivos quinxo denunciase la responsabilidad direuta que tienen los mesmos na situación pergrave que viven los paraxs y precarixs d'estos conceyos y esti país.

Darréu quinxo sofitar la convocatoria de forma activa, acudiendo a la mesma con un baberu baxo'l llema "Mocedá nun te rindas" y delles banderes nacionales col envís de visibilizar tamién la situación que vive la mocedá asturiano yá que nin mos quieren lluchando pol nuesu futuru nes cais nin ufre otu camín que nun seya la emigración forciada. La nuesa militancia tamen espardió dellos de pasquinos onde afitamos nuevamente que la soberanía política y económica de les besties capitalistes ye l'únicu camín si queremos algamar un futuru digne p'Asturies y el so Pueblu Trabayador.

"Violencia ye nun llegar a fin de mes", "Asturies sálvase lluchando" o "se va acabar la paz social" foron les consines más repetíes anque tamién hebo tiempu pa glayar escontra los responsables y cómplices d'esta crisis capitalista y de la situación socioeconómica y política llaceriosa que viven estos conceyos y la nuesa patria. La manifestación acabó na Casa Conceyu de Siero cola llectura d'un manifestu pol trabayu digne pa toes y toos.

¡Mocedá nun te rindas! ¡Llucha!

¡Trabayu digne pa toos y toes!

https://www.lahaine.org/est_espanol.php/bable-participamos-na-manifestacion-de-p